

Snart klart for nytt byggjesteg i Hagetunet

11.03.2010



Tomannsbustadane skal liggja opp mot Geilo.

Hagetunet, som Uskedalen Eigedom byggjer sentralt i Uskedalen, er snart klart for eit nytt byggjesteg. Det er bygging av dei tre tomannsbustadane i området opp mot Geilo.

Første byggjesteg, bygging av fire bustader oppå den gamle muren, har allereie kome langt.



Grunnarbeidet for tomannsbustadane er no igang. (Foto: Ola Matti Mathisen)

Johannes Hjørnevåg, ein av dei som står bak prosjektet, er svært godt nøgd med den jobben som er gjort gjennom vinteren.- Det er flinke folk som verkeleg har stått på, seier han til uskedalen.no. Det er Nedrevåg Trevare på Seimsfoss som har ansvaret for trearbeidet. Etter avtalen skal innflyttinga her skje 15. juni.



Arbeidet med bustadane på den gamle muren har gått raskt unna. (Foto: Ola Matti Mathisen)

Kvinnherad Bygg søktes kommunen om løyve til oppstart med riving av eksisterande skur og grunnarbeid for tomannsbustadane. Då grunnentreprenøren hadde hatt stopp grunna frost og tele på andre prosjekt, var det mogeleg for han å koma i gang på kort varsel. Arbeidet har no kome igang. I føremiddag var gravemaskinen i full verksemd på tomta.

Uskedalen Eigedom er i dialog med kommunen om løysingar for vatn og avløp. Mindre vesentleg endring av reguleringsplanen er godkjent og detaljendring av byggjesøknaden er under arbeid, opplyser Trond Rusten i Kvinnherad Bygg.

Johannes Hjørnevåg opplyser at det berre er grunnarbeidet som skal gjennomførast i fyrste omgang .Det står att ein del av prosjekteringa av tomannsbustadane. Så kjem turen til prisinga og endeleg kan marknadsføringa starta.

Hjørnevåg antar at byggjinga av tomannsbustadane vil kunne starta før april er til ende.

Av Ola Matti Mathisen